

## Gatij d'angiol

*A Pinu*

An sopatand j'ale  
 (gatij!)  
 (ma un gatij ch'an ven d'an su)  
 a së stérmo  
 (a së stérmo da cò? – a ciamo ij savù)  
 e svicio a corato,  
 a corato a la sosta  
 (a la sosta... ant ël ciel?!?).

Ma quand che a së strenzo  
 – dëscauss, patanù –  
 e a deurbo j'ale,  
 anlora as vardo,  
 j'ej sarà,  
 la boca ch'a sagna,  
 e a rijo,  
 a dësmoro,  
 as patelo,  
 a robato,  
 as bësbijo stranòm  
 – che mi iv dirai nen –  
 e mai a së stofio,  
 j'angioj an ciel.

E ël cercc ëd j'angioj  
 – contacc, s'a l'é bel! –  
 – parla pa, s'a fa goj! –  
 a l'é në specc  
 – che j'òmo an sla Tera

a-j dijo Sol,  
ma a l'é franch l'istess –  
(che peui i volia fé na rima con “specc,”  
ma a l'é franch l'istess).

*Mauro Tosco*  
[mauro.tosco@unito.it](mailto:mauro.tosco@unito.it)